

AKHBAR : KOSMO
MUKA SURAT : 12
RUANGAN : NEGARA

Empat kawasan catat bacaan IPU sangat tidak sihat, 16 lagi tidak sihat

Ramai jadi sakit angkara jerebu

Oleh ZULKIFLI MANZOR, SYALMIZI HAMID dan NUR ADINN ABDUL RAZAK

SEREMBAN — Masalah jerebu yang melanda seluruh negara ketika ini menyaksikan bilangan kes jangkitan saluran pernafasan (URTI), asma dan sakit mata di beberapa buah hospital dan klinik kesihatan kerajaan di Negeri Sembilan mencatat peningkatan ketara.

Pengerusi Jawatankuasa Bertindak Kesihatan, Alam Sekitar, Koperasi dan Kepenggunaan negeri, S. Veerapan berkata, peningkatan itu dicatatkan di Klinik Kesihatan Seremban, Klinik Kesihatan Ampangan, Klinik Kesihatan Nilai, Klinik Kesihatan Port Dickson, Hospital Tuanku Ja'afar Seremban dan Hospital Port Dickson.

"Pemantauan kes URTI menunjukkan peningkatan kes sebanyak 14.3 peratus di mana dalam tempoh 8 hingga 14 September 2019, terdapat sebanyak 2,605 kes direkodkan berbanding 2,280 kes bagi tempoh 1 hingga 7 September 2019.

"Pemantauan kes jangkitan mata juga menunjukkan peningkatan kes sebanyak 3.1 peratus bagi tempoh yang sama," katanya dalam satu kenyataan di sini semalam.

Menurut beliau, bagi kes asma, terdapat peningkatan sebanyak 1.4 peratus di mana pada minggu ke-37 (8 September - 14 September) terdapat sebanyak 283 kes berbanding 279 kes pada minggu sebelumnya.

Veerapan berkata, Jabatan Kesihatan Negeri Sembilan telah memaklumkan kepada semua kakitangan kesihatan supaya bersedia menghadapi sebarang kemungkinan pening-



SEORANG lelaki dengan memancing di Sungai Kuantan, Kuantan semalam meskipun dalam keadaan cuaca berjerebu.

katan kes berkaitan jerebu.

Menurut beliau, aktiviti pendidikan kesihatan dipergiatkan terutama kepada golongan berisiko tinggi di peringkat klinik kesihatan bagi mengurangkan kesan akibat jerebu.

"Bekalan ubat-ubatan juga dipastikan sentiasa mencukupi supaya semua pesakit mendapat rawatan yang sempurna," katanya.

Sementara itu, Kementerian Kesihatan Malaysia (KKM) memaklumkan tidak terdapat peningkatan luar biasa pesakit berkaitan jerebu di seluruh negara pada ketika ini.

Menterinya, Datuk Seri Dr. Dzulkefly Ahmad berkata, pihaknya telah melakukan pemantauan berterusan penyakit akibat jerebu terutamanya paru-paru obstruktif kronik (COPD) selepas melanda negara sejak 5 September lalu.

"Kini sudah empat minggu pemantauan di klinik-klinik terpilih KKM berhubung penyakit konjungktivitis atau sakit mata, jangkitan perna-



ANGGOTA polis pelancong dan anggota Jabatan Sukarelawan Malaysia (RELA) menggunakan topeng muka dan hidung ketika bertugas di kawasan tumpuan pelancong di Studihs, Bandar Hilir, Melaka semalam.

fasan dan asma. Didapati tiada pertalian penyakit itu dengan tempoh sebelum jerebu melanda.

"Data kajian penyakit mendapati tiada kehadiran pesakit yang luar biasa biarpun jerebu mempunyai perkaitan dengan penyakit itu," katanya kepada pemberita di Butterworth, Pulau Pinang semalam.

Dalam pada itu, setakat

pukul 6 petang semalam, Indeks Pencemaran Udara (IPU) di empat kawasan dikategorikan sebagai sangat tidak sihat selepas melebihi bacaan 200.

Tangkal di Johor merekodkan bacaan IPU tertinggi iaitu 249 diikuti Bandaraya Melaka (215) dan dua bandar di Sarawak iaitu Kuching (210) dan Samarahan (204).

INFO

Bacaan IPU Setakat Pukul 6 Petang

- Bandaraya Melaka, Melaka - 215
- Tangkak, Johor - 249
- Kuching, Sarawak - 210
- Samarahan, Sarawak - 204
- Wilayah Persekutuan Putrajaya - 128
- Banting, Selangor - 129
- Seremban, Negeri Sembilan - 128
- Port Dickson, Negeri Sembilan - 188
- Bulit Rambai, Melaka - 190
- Alor Gajah, Melaka - 163
- Segamat, Johor - 170
- Batu Pahat, Johor - 166
- Larkin, Johor - 125
- Indera Mahkota, Kuantan, Pahang - 158
- Rompin, Pahang - 128
- Tawau, Sabah - 128
- Sri Aman, Sarawak - 175
- Sarakei, Sarawak - 172
- Sibu, Sarawak - 155
- Miri, Sarawak - 109

Bacaan IPU

- | | |
|----------------------|---------------|
| ● Baik | - 0-50 |
| ● Sederhana | - 51-100 |
| ● Tidak sihat | - 101-200 |
| ● Sangat tidak sihat | - 201-300 |
| ● Bahaya | - 300 ke atas |

INFO

Tip Penjagaan Jerebu

- Elakkan aktiviti fizikal di luar bangunan
- Jika berada di luar, gunakan penutup hidung dan mulut
- Tutup tingkap bagi kurangkan asap jerebu masuk dalam rumah atau bangunan
- Tidak merokok, sentiasa bersihkan persekitaran dalaman rumah, bangunan
- Banyak minum air kosong walaupun tidak terasa dahaga
- Dapatkan rawatan di fasiliti kesihatan terdekat sekiranya tidak sihat

AKHBAR : SINAR HARIAN

MUKA SURAT : 8

RUANGAN : JEREBU LANDA MALAYSIA

Tiada peningkatan penyakit luar biasa dilaporkan

BUTTERWORTH - Tiada sebarang peningkatan luar biasa bagi penyakit yang berpunca daripada gejala jerebu direkodkan Kementerian Kesihatan (KKM) sepanjang negara dilanda jerebu.

Menteri Kesihatan, Datuk Seri Dr Dzulkefly Ahmad berkata, walaupun terdapat kes jangkitan mata, saluran pernafasan atas (URTI) dan asma, namun ia masih di tahap tidak membimbangkan.

Bagaimanapun, katanya, KKM sentiasa melakukan pemantauan sejak bulan lalu terhadap tiga gejala utama penyakit

yang disebabkan jerebu.

"Kita ambil maklum terhadap situasi jerebu yang berlaku dan memantau tiga penyakit utama akibat jerebu iaitu sakit mata, jangkitan pernafasan dan asma."

"Namun, data ketiga-tiga penyakit itu tidak konsisten tetapi tiada kehadiran pesakit dalam jumlah yang luar biasa," katanya kepada pemberita selepas menghadiri Majlis Pelancaran Program Kampungku Sihat Peringkat Parlimen Bagan di sini semalam.

Turut serta, Menteri Kewangan yang juga Ahli Parlimen Bagan, Lim Guan Eng.



Dr Dzulkefly dan Guan Eng beramah mesra dengan kakitangan Jabatan Kesihatan di Butterworth semalam.

AKHBAR : SINAR HARIAN
MUKA SURAT : 11
RUANGAN : NASIONAL

Wujud banyak peluang pekerjaan

**Tumpuan
Kementerian
Kewangan untuk
realisasikan
dasar baharu
kerajaan**

**MOHD ISKANDAR
OTHMAN**

BUTTERWORTH

Mewujudkan lebih banyak peluang pekerjaan dan meningkatkan pendapatan rakyat menjadi tumpuan Kementerian Kewangan dalam usaha merealisasikan Wawasan Kemakmuran Bersama 2021-2030.

Menterinya, Lim Guan Eng berkata, dua aspek uta-

ma itu dijangka dapat menambah kuasa beli rakyat sekali gus memastikan ekonomi terus berkembang.

Menurutnya, usaha itu juga dapat mengurangkan kebergantungan negara terhadap pekerja asing.

“Salah satu aspek penting ialah kita harus wujudkan lebih banyak peluang pekerjaan dan gaji yang munasabah.

“Aspek tersebut juga dijangka memberi kesan positif terutama dalam usaha kita mengurangkan kebergantungan negara terhadap pekerja asing,” katanya pada sidang media selepas menghadiri pelancaran Program Kampungku Sihat Peringkat Parlimen Bagan di sini semalam.

Beliau berkata demikian sebagai mengulas kenyataan Perdana Menteri, Tun Dr Mahathir Moha-



Guan Eng (tiga dari kiri) dan Menteri Kesihatan, Datuk Seri Dr Dzulkefly Ahmad (kanan) memerhatikan seorang jururawat memeriksa kesihatan Ramlah Hamid, 70, sempena Program Kampungku Sihat Peringkat Parlimen Bagan di Butterworth semalam.

mad kelmarin yang mengumumkan Wawasan Kemakmuran Bersama 2021-2030 sebagai dasar

baharu kerajaan untuk mengurangkan jurang ekonomi rakyat.

Mengulas lanjut, Guan

Eng yang juga Ahli Parlimen Bagan berkata, syor terhadap kedua-dua aspek tersebut akan diumumkan

secara terperinci pada pembentangan Bajet 2020 di Parlimen pada 11 Oktober depan.

Menurutnya, usaha merealisasikan Wawasan Kemakmuran Bersama 2021-2030 memerlukan pembabitan semua pihak secara holistik bagi memastikan pelaksanaan yang lebih baik.

“Perka ini tidak hanya membabitkan Kementerian Kewangan, sebaliknya sokongan semua kementerian dan pihak berkuasa.

“Daripada pihak saya, kami sentiasa mengikut setiap syor yang ditetapkan supaya ekonomi negara bertambah baik, namun kita juga tidak boleh menolak bahawa faktor situasi semasa dunia turut menyumbang kepada perkembangan ekonomi Malaysia,” katanya.

AKHBAR : THE SUN

MUKA SURAT : 4

RUANGAN : NEWS WITHOUT BORDER

Concern over high rate of premature deaths

Main culprits are hypertension and diabetes, says Health Minister

BY IAN MCINTYRE
newsdesk@thesundaily.com

BUTTERWORTH: Malaysia has a high rate of premature deaths compared with other neighbouring countries as it is unable to contain the spread of non-communicable diseases (NCDs), said Health Minister Datuk Seri Dr Dzulkefly Ahmad.

Malaysians can generally live longer if people take better care of themselves, especially by reining in sugar intake and hypertension levels, Dzulkefly said after opening the "Kampungku" health campaign for the Bagan parliamentary constituency. Also present was Finance Minister Lim Guan Eng, who is also Bagan MP.

"The high mortality rate from NCDs has kept the average age at 75 when other countries have managed to inspire their people to live longer," Dzulkefly said.

He added the country is unable to raise the average living age, which hovers at 73 for men and 75 for women, in the past decade.

"The culprits are hypertension and diabetes, which induce cardiovascular problems. We even



Dzulkefly (second from left) and Lim during a gotong-royong at six villages yesterday. – BBXPIX

have sudden deaths due to NCDs."

Dzulkefly spoke of frustration among healthcare practitioners, who are struggling to stem the increase in NCDs, saying it portrayed a bleak outlook for the country despite numerous health and lifestyle campaigns.

NCDs like diabetes can also lead to end-stage renal failure that requires dialysis, which is a huge financial burden to endure,

he added.

Around 39,000 Malaysians are at stage four and five renal failure. It costs RM40,000 per year on average to undergo dialysis treatment for each person.

To overcome the increase in NCD cases, Dzulkefly said the ministry will embark on a large scale early screening process, even studying the possibility of making healthcare screening mandatory

among those in the high risk group.

To realise this, Dzulkefly said the ministry has sought an allocation of RM11 million in next year's Budget to conduct early screening initiatives throughout the country, including in rural areas.

"We have no choice but to embark on an aggressive prevention and early screening effort to arrest the rise in NCDs, particularly hypertension and diabetes."

AKHBAR : UTUSAN MALAYSIA

MUKA SURAT : 10

RUANGAN : DALAM NEGERI

Jerebu: Tiada peningkatan luar biasa pesakit

BUTTERWORTH 15 Sept.

- Tiada peningkatan luar biasa pesakit berkaitan jerebu dicatatkan ketika ini meskipun keadaan berjerebu di seluruh negara dilaporkan semakin memburuk sejak lebih seminggu lalu.

Menteri Kesihatan, Datuk Seri Dr. Dzulkefly Ahmad berkata, pihaknya telah melakukan pemantauan berterusan penyakit akibat jerebu terutamanya paru-paru obstruktif kronik (COPD) sejak 5 September lalu.

Menurut beliau, sepanjang pemantauan di klinik-klinik terpilih terhadap penyakit konjungtivitis atau sakit mata, jangkitan pernafasan atas (URTI) dan asma sepanjang tempoh kira-kira empat minggu itu, tiada pertalian penyakit tersebut dikesan.

“Data kajian penyakit mendapati tiada kehadiran pesakit yang luar biasa meskipun jerebu mempunyai perkaitan dengan penyakit itu,” katanya.

Beliau berkata demikian selepas Majlis Pelancaran Kampungku Sihat Peringkat Parlimen Bagian dan Gotong Royong Mega 2.0 Perangi Aedes Peringkat Kebangsaan 2019 di sini hari ini.

AKHBAR : SINAR HARIAN
 MUKA SURAT : 14
 RUANGAN : NASIONAL

KKM tunggu maklumat daripada polis

BUTTERWORTH - Kementerian Kesihatan (KKM) menyerahkan siasatan kepada polis berhubung kes seorang doktor yang dikatakan mencederakan bekas isteri dan bapa mertuanya seperti yang tular di laman sosial sejak kelmarin.

Menterinya, Datuk Seri Dr Dzulkefly Ahmad berkata, kementerian itu masih menunggu laporan polis dan sedang mengenal pasti sama ada lelaki berkenaan bertugas di bawah KKM atau di bawah Kementerian Pendidikan.

"Tindakan tatatertib hanya akan ditentukan selepas kita menerima maklumat tepat berhubung latar belakang kes berkaitan lelaki tersebut," katanya ketika ditemui media selepas menghadiri Majlis Pelancaran Program Kampungku Sihat Peringkat Parliment Bagan di sini semalam.

Hadir sama, Ahli Parliment Bagan, Lim Guan Eng dan Exco Pertanian dan Industri Asas Tani, Pembangunan Luar Bandar, dan Kesihatan negeri, Dr Afif Bahardin.

Kelmarin, tular mengenai kejadian seorang wanita dan bapanya dipukul bekas suami pada 4 September lalu di Jalan Utarid, Sungai Buloh, Selangor.



Dr Dzulkefly (dua dari kiri) membuat pelepasan konvoi sempena Majlis Pelancaran Program Kampungku Sihat Peringkat Parliment Bagan semalam.

Difahamkan kejadian berlaku kerana lelaki itu tidak berpuas hati dengan mangsa berkaitan hak penjagaan anak yang masih dalam proses mahkamah.

Difahamkan, lelaki berkenaan berkhidmat sebagai doktor di Pusat Perubatan Hospital Universiti Kebangsaan Malaysia (HUKM) sejak 2017.

Susulan kejadian itu, polis telah menahan lelaki berkenaan pada 9 September lalu namun dibebaskan dengan jaminan polis atas faktor kesihatan.

Sementara itu, Ketua Polis

Daerah Sungai Buloh, Superintendant Shafa'aton Abu Bakar berkata, polis telah selesai mengambil keterangan pengadu dan juga suspek selepas menerima laporan pada 4 September lalu.

"Kertas siasatan kes sudah 95 peratus lengkap cuma kita masih menunggu laporan perubatan suspek daripada pihak hospital.

"Kita jangkakan laporan perubatan itu akan diperoleh dalam masa terdekat sebelum kertas siasatan dilengkapkan untuk dirujuk kepada DPP minggu depan," katanya.

**SERANG
ISTERI DAN
MERTUA**